

**Derewel ana Pol sə vinden ayak anà
 dō sə
 Kolosiya ahay
 Adakay way pə deftere a anan**

Sa đaf Egliz à wulen su doh sə Kolosiya nà, Epafəras. A alay ana Pol sə vinde derewel a anan nà, tinen à dangay maya tə Epafəras. A đakan atan anan nà, Yesu Almasihu winen bahay a pa nga sə way ahay fok, aday a đakan atan anan azla a tinen à təra kawa su dō mə japay a tə Yesu Almasihu ataya awan. Matanan, adaf nga pə Yesu a zalay asan way sə daliyugo ahay fok, tē pərahan azar anà atatak way ataya bay.

Nga sa 'am ahay

Yesu winen bahay a pa nga sə way ahay fok (1.1-23)

Yesu nà, way a Mbərom mi đer awan (1.24 - 2.5)

Anjahay wiya mbala dō a Yesu Almasihu ahay (2.6 - 4.6)

Andav sa 'am ahay (4.7-18)

Pol a jan ayak 'am anà Kolosiya ahay

¹ Sə vindek ikwen ayak derewel a anan nà, nen Pol, nen dō ana Mbərom sə ngaman aday sə təra anan dō maslan ana Yesu Almasihu ata awan. Derewel a anan a zlak ayak nà, à alay a manay wa tə Timote mərak a mənuko ata awan.

² Mə vindek ikwen ayak anà kwanay dō a Yesu ahay à Kolosiya, kwanay mərak a manay ahay, mə japay aya tə Yesu Almasihu. Mbərom Bəbay a

mənuke â gak ikwen sumor aday â varak ikwen zay anahan.

Pol a ngəran anà Mbərom anga do sə Kolosiya ahay

³ A alay a wura wura, manay apan mi ga amboh anga kwanay cəna, mə mbədək anan à nga wa sə ngəran anà Mbərom anga kwanay bay re.

⁴ Mə ngəran anga mə slənek kwanay nà, kə təmihen Yesu Almasihu à mivél a kwanay inde tə dīdek awan, aday kwanay apan ki gen anan asan zek anà do a Yesu ahay re.

⁵ Ki gen matanan nà, anga kə sənén zle Mbərom kə lavak ikwen anan zek tə way lele aya à mburom à man anahan awan. Aday kwanay apan ki dəfen anan idé à way a kwanay saa njad anan mba ata awan. Kə sənén pə way a Mbərom a sə lavak ikwen anan zek ata nà, kurre à alay a kwanay sə sləne ləbara mugom a sa 'am dīdek a ata awan.

⁶ Ləbara sa 'am a mugom ata nà, kə tak 'am pə daliyugo kwa aha fok. Kə tərak nà, kawa sé aday winen apan i har, a wahay wan bayak a ata awan. Natiya, 'am a Mbərom winen apan i zəga sa zla pa 'am pa 'am à wulen a kwanay inde dūkwen matanan re. A dazlan sə zəga sa zla pa 'am pa 'am à wulen a kwanay, à alay a kwanay a sə sləne Mbərom kə gak ikwen sumor acəkan ata awan.

⁷ Sə dəkak ikwen anan ləbara sa 'am a mugom ata nà, Epafəras, car a manay i mer su way a Yesu Almasihu inde. Winen a ga mer su way a Yesu Almasihu nà, tə mivél kərtek awan. Winen apan i ga mer su way a Yesu àga kwanay à yime a manay inde.

⁸ Epafēras ata nà, kè ðakak umo anan mer su way anà Apasay a Mbərom sə varak ikwen mægala sə pəlay mərak ahay ata awan.

⁹ Anga nan kutok, a ban kwa pə ana manay sə sləne ləbara a kwanay ata wa nà, manay mə mbəsakak sa gan amboh anà Mbərom anga kwanay bay hwiya. Ma gan amboh nà, anga aday kə sənən way anahan sa gan may, aday â varak ikwen kəlire* tə asan way tə mægala sə Apasay anahan.

¹⁰ Natiya tə kəlire sə asan way ata kutok, anjahay a kwanay i zlan à nga anà Bahay a mənuko, ki gen way anahan sa gan may ahay fok, aday ki gen mer su way lele aya cara cara. Ata asan way a kwanay pə Mbərom i zəga nə pa 'am pa 'am.

¹¹ Ma gan amboh anà Mbərom ðukwen, anga aday â varak ikwen mægala sə mazlaḅ anahan sə jəra njəjan, aday sə səmen anà way ahay fok tə ataslay mivel awan.

¹² Matanan, ngəren anà Bəbay Mbərom anga kə varak ikwen cəved sa njad magwagway anahan sə lavan a zek a anà ðo anahan ahay à mburom à man jiyjay a inde ata awan.

¹³ Mbərom kə təmak ahay mənuko à alay a mægala ana bahay sə ide zənzen a wa, aday a pak mənuko à man sə bahay a wan anahan ləliwe ata awan.

¹⁴ Sə təmay ahay mənuko à alay ana Fakalaw wa nə, wan a Mbərom, anga kə pəsek uko anan ines a nuko ahay.

* **1:9** Kəlire a anan nà, madan bay, əna asan way ana Apasay a Mbərom.

Yesu Almasihu nà, Bahay sà lavan nga anà way ahay fok

¹⁵ Mbərom nà, kula dōwan kə canak anan tə idé bay. Əna Yesu Almasihu dōwan a mezeze a Mbərom ata kà kak uko anan ahay Mbərom awan. Yesu a nà, winen murkwaya sa wan a Mbərom ahay. A lavan nga anà way a Mbərom mənə dakay aya kəzlek jiga fok.

¹⁶ Mbərom a ndakay way ahay fok nə tə alay a wan anahan ata awan, kwa á ga nə pə daliyugo, kwa à mburom awan fok, kwa way aday də canan zle ataya, kwa way aday də canan bay ataya fok, kwa way tə məgala à mburom ataya awan, kwa maslay a Mbərom ahay tə bahay a tinen aya təke fok. Way ataya fok mənə dakay aya nə, tə alay a wan anahan ata awan, aday anà wan anahan ata re.

¹⁷ Winen nà, a lahan anà way ahay fok, aday way ataya ta ga inde dukwen, anga winen a re.

¹⁸ Winen nà, pa nga ana dō sə japay tə winen ahay fok, tinen zek anahan awan. Winen adazlan sə way ahay fok. Sa lah sə slabakay ahay à məke wa mama'am nà, winen a re. Matanan kutok, winen kə lahak anan pa 'am ana way ahay fok.

¹⁹ Mazlaḅ sə way a à Mbərom a inde ata fok nà, inde à wan anahan ata matana re, anga a zlan à nga anà Mbərom a nə matana awan.

²⁰ A nan à Mbərom a nà, way a mənə dakay ataya, kwa à mburom, kwa pə daliyugo fok, 'am á zlan atan pi zek tə winen nə tə mez ana wan anahan ata awan. Matanan kutok, zay inde à wulen a Mbərom tə dō ahay anga wan anahan ata awan, anga kə pəkak anan mez anahan, kə məcak pə dədom.

²¹ Kwakwa ata nà, kwanay daren daren pi zek wa tə Mbərom, kə tərən nà, dō manide anahan ahay, anga ki gen nə way lelibay aya awan. Abayak nga a kwanay dukwen, lelibay aya re.

²² Əna Yesu kə tərak dō zəzen awan, aday kə məcak anga kwanay. Matana həna kutok nà, Mbərom kə zlahak anan məmal anahan tə kwanay, tə amac a wan anahan a ata awan. Natiya kwanay kə tərən dō cəncan aya, aday ki mben apan sə tavay pa 'am a Mbərom mənjanə ines aday dōwan i mba apan sa mak ikwen anan mungok sabay.

²³ Natiya kutok, pərihen anan azar hwiya sa dəf nga nà, pa 'am sə ləbara a mugom ata pac pac, kə sa dagwiren wa bay fok. Tiven nà, njənjən lele. Dəfen anan abayak nga a kwanay nà, dook pə ləbara sa 'am a mugom a mbala a kwanay a sə sləne kurre ata awan. Ləbara sa 'am ata dukwen, daliyugo kəzlek kə slənek anan fok coy re. Həna, nen Pol nà, Mbərom kə tərak nen dō si mer su way anahan, anga sə dəkay anan ləbara sa 'am a anan re.

Mer su way a Pol sa ga anga dō a Yesu ahay

²⁴ Həna nà, nen apan ni taslay anan mivəl tə dəcə uno ahay sa ga anga kwanay ata awan. A alay ata nà, Yesu Almasihu a kə sak dəcə, matanan nen ni sa dəcə anga dō anahan ahay tinen zek anahan ata awan. Na ga dəcə matanan nà, anga aday mer su way anahan sə dazlan à mivəl a kwanay inde ataya à ndav wa.

²⁵ Mbərom kə zəbak nen dō si mer su way anahan à wulen su dō anahan ahay wa. A gan may

nà, nê ðakak ikwen anan ləbara sa 'am anahan mugom ata fok.

²⁶ Kurre ata nà, ləbara sa 'am mugom ata nə mi ðer awan, ðowan a san anan fan bay. Aya həna nà, Mbərom kà kak anan ahay uho anà ðo anahan ahay kutok.

²⁷ A nan anà Mbərom nà, ðo anahan ahay pu kon pu kon fok tã san way anahan mi ðer ata nà, winen lele aday tə mazlaḅ a re. Way a mi ðer ata nà, Yesu Almasihu a à mivel a kwanay inde ata awan. Tə winen awan, ki mben apan sa ðaf anan abayak nga a kwanay dook pa man sə mazlaḅ anahan a aday ki sa njihen a uda ata awan.

²⁸ Anga nan, manay apan mi ðakan anan anà ðo ahay fok nà, Yesu Almasihu awan. Manay apan mi təkəren atan, manay apan mi jan atan panan fok nà, təkəlire a Mbərom a sə varan umo ata awan. A nan umo jiya nà, ðo mə japay aya tə Yesu Almasihu ahay fok tē təra nà, ðo ma san nga aya pa 'am a Mbərom.

²⁹ Nen apan ni rəzlen à nga wa sa ga mer su way ata tə məgala mbala Yesu Almasihu a ï nen inde nà, anga nan kutok. Sa ga mer su way a ï nen inde nà, məgala ata awan.

2

¹ U no nà, sənen apan lele, mer su way həna nen apan ni ga ata nà, ma da 'am awan. Na ga mer su way a ma da 'am ata nà, anga kwanay ðo sə Kolosiya ahay, tu ðo sə Lawdikiya ahay, aday ðukwen, anga azar su ðo kula tə canak uno fan bay ataya re.

² Na ga matanan nà, anga sə varak ikwen məgala aday kə sənən zek à wulen a kwanay ahay inde, kə tərən zek kərtek awan. Aday asa u no nà, kə njiden kəlire sa san dīdek a Mbərom fok. Ata nà, ki sənən anan way a Mbərom a mi der ata awan, kawa sa ja nà, Yesu Almasihu.

³ Kəlire tə asan way lele aya fok dī tan à nga nà, à Yesu Almasihu inde.

⁴ Nə dəkak ikwen anan ayak way a anaya nà, anga aday dōwan â sa wurbasak ikwen awan saa njak kwanay tə wurwer sa 'am ahay bay.

⁵ Sənən apan lele re, kwa nen inde à wulen a kwanay ibay dəp nà, apasay uno inde tə kwanay. Nen apan ni taslay mível tə mindel nà, anga nə sləne kwanay apan ki gen way tə cəved aya awan, aday adaf nga a kwanay pə Yesu Almasihu nà, mə tavay a demer demer lele.

Anjahay su dō ana Yesu Almasihu ahay

⁶ Həna nà, kə təmihen Yesu Almasihu à mível a kwanay inde winen nə bahay a kwanay a coy. Anga nan kutok, azla a kwanay nà, â təra kawa azla su dō mə japay aya tə winen acəkan ataya awan.

⁷ Matanan, hen sləlay à winen inde lele, kawa sé sa pak anan sləlay anahan ahay à yugo inde lele ata awan. Həren à 'am anahan inde, adaf nga a kwanay pə winen â ga nə njənnjan kawa ana kwanay a sə tətak ata awan. Ngəren anà Mbərom bayak awan.

⁸ Aya əna, sənən pi zek lele, bina dō ahay ti i njak kwanay tə atətak way mungwalay aya, aday tə asan way kəriya aya awan. Aday cəkəbay asan way a tinen ataya nə asan way su dō zənzen awan,

kabay asan way sə apasay lelibay aya sə daliyugo a anan, bina asan way mbala Almasihu itəbay. Kə pəken anan sləmay anə atətak way a tinen ataya bay jiga awan,

⁹ anga anjahay a Mbərom fok nà, winen ì zek ana Yesu Almasihu inde.

¹⁰ Matanan həna, kwanay kə jipen tə winen a kutok ata nà, Apasay a Mbərom đukwen kə rahak à kwanay inde coy re. Anga Almasihu a nà, Bahay a pa nga sə way a tə məgala aya à mburom ata fok.

¹¹ Anga ajapay a kwanay tə winen ata nà, Mbərom kà gak pikwen mez anahan sə đakan anan anə đo ahay kwanay nə đo anahan ahay. Kwakwa ata a jan anə Yahuda ahay nà, tã gad mədəndalas anga tinen đo anahan ahay. Aya kwanay həna kutok nà, Mbərom a a ga pikwen mez sə đakay anan nə kwanay đo anahan ahay ite. A ga way ata nə tə alay su đo bay, əna tə alay a wan anahan Yesu Almasihu awan. Winen kà rak ahay kwanay à anjahay a kwanay sə kwakwa lelibay ata wa coy.

¹² A alay a kwanay sa ga bapisma ata nà, kə tərak kawa ta lak kwanay à məke inde pə kərtek a tatə Yesu Almasihu awan. Aday à alay a kwanay sa may ahay à a'am wa ata đukwen kə tərak kawa Mbərom a slabakay ahay kwanay à məke wa pə kərtek a tatə Yesu Almasihu a re. A təra matanan nà, anga kwanay kə đəfen apan nga, məgala a Mbərom inde sə slabakay ahay kwanay à məke wa kawa anahan sə slabakay anan ahay Yesu Almasihu à məke wa ata re.

¹³ A alay ata nà, Mbərom a ca pikwen nà, kawa đo ma mac aya awan, anga kwanay nà, đo sa ga

ines ahay, aday anga kà gak pikwen mez sə ďakay anan kwanay nə do anahan ahay ata fan bay re. Aya həna kutok, Mbərom kə varak ikwen sifa tə Yesu Almasihu. Aday asa, winen kə pəsek uko anan ines a mənuko ahay fok re.

¹⁴ A alay ata nà, sariya a Mbərom kə bənak mənuko, anga đə pərahak anan azar anà 'am anahan ma ja aya ata bay. Əna pə dəba anahan a wa nà, Mbərom kə ngərwak anan đerewel a aday gudire sə ines a mənuko ahay mə vinde aya uda ata aday kə darak anan pə dədom a mə zləngad awan. Matanan sariya inde puko sabay sə coy.

¹⁵ A alay a Yesu Almasihu sa mac pə dədom a mə zləngad ata nà, kə jakak anan alay pa nga anà məgala ana bahay sə setene ahay à bagəbaga mburom inde ata fok, kə mbak patan. Kə pəkak atan waray ĩ ide pa 'am sə do ahay fok re.

¹⁶ Anga nan kutok, đowan â sa mak ikwen anan mungok pa 'am sə way sa pa, kabay pə way sa sa ahay bay. Matanan asa re, đowan â sa mak ikwen anan mungok pa 'am sa ga azar uko pə ava pə ava ata bay, kabay pa 'am sa ga azar uko pə kiya pə kiya ata bay, kabay pa 'am sə đəfan apan anà luvon sa man uda ata bay jiga awan.

¹⁷ Way ataya fok nà, minje pə way saa nay ahay, bina đidek sə way ataya fok nà, à Yesu Almasihu a inde.

¹⁸ Do ahay inde bayak awan tinen apan ti zluwe anan do ahay ta sa ja nà, do ahay tə nahay anan nga a tinen aday tə đəfan apan anà maslay a Mbərom ahay re. Tə varan zlangar anà cəen sə zubay a tinen ahay ta sa ja nə Mbərom sa man atan anan ahay way ataya ĩ cəen sə zubay inde. Ajalay nga a tinen

aya nə pə way sə daliyugo a anan dəkdək. Matanan jəba su do ataya nà, kà sa bənen atan à 'am wa bay jiga awan, anga tinen do sə həran nga ĩ zek ahay, do sə kwecele ahay re.

¹⁹ Do ataya nà, tə mbəsakak sə japay tə Yesu Almasihu. Winen nga awan pu do a Yesu ahay, aday hawal si zek ahay ta njad sə japay pi zek nà, anga nga ata awan. Dəmbazl si zek ahay tə japay atan pi zek aday a njad sa har tə alay a Mbərom kutok re.

²⁰ Həna kə sənən apan zle lele, kwanay nà, kə məcen pə kərtek a tə Yesu Almasihu coy. Anga nan, apasay sə daliyugo a anaya ti mba pikwen sabay. Ata nà, ki gen way ahay hwiya kawa kwanay do sə daliyugo ahay nə angamaw? Abay ike kə dəfen anan apan anà 'am sə awan aya pərsləsle nà, angamaw?

²¹ 'Am kawa: «Kê laman alay anà way a anan bay», «Kê tukom way a anan bay», kabay «Kê zəba anan way a anan bay» re.

²² Da jak dī dəfan apan anà way ataya cəna, da san zle, ta nay à abayak nga su do zənzen a wa dəkdək, way ataya fok ti lize.

²³ Mama'am a nà, do ahay tə bayak nà, atətak way ataya tə varan kəlire anà do ahay, anga atətak way ataya ti gan bəlaray anà do ahay sa ga pəra kawa sa zlan à nga anà do ahay, sə nahay anan nga à məndak, aday sə kətah anan nga a tinen re. Aya əna, mer su way matanan ataya fok nà, i man zek anà do ahay sə mbasay pi mer su way sə ubor si zek ahay bay re.

3

Yesu Almasihu kà mbəḏahak ikwen anan anjahay

¹ Kə sənen apan zle coy kwanay nà, kə slabiken ahay à məkə wa tatə Yesu Almasihu fok. Anga nan kutok, ḏəfen anan abayak nga a kwanay nə dook pə way aya aday kwanay saa njaḏ à mburom ata awan. Ki njiden anan nà, à man ana Yesu Almasihu, ḏəwan a mə njahay a tə day sə alay puway a Mbərom ata awan.

² Matana awan, abayak nga a kwanay â ga nə ḏəgəcce pə way a à mburom ata awan, bina kà bayiken pə way sə daliyugo ahay bay.

³ Anga nan kutok, kə sənen apan zle, kwanay nà, kə məcen, aya əna Mbərom kə slabakak ahay kwanay à məkə wa. Natiya kutok, sifa a kwanay inde wiya awan, winen mi ḏer a à alay ana Yesu Almasihu inde pə cakay a Mbərom.

⁴ Tə ḏidek a nà, Yesu Almasihu nə winen sifa a kwanay. Natiya, pə luvon a aday Yesu Almasihu a kà sak a sləray ahay ata nə kwanay ḏukwen ki sləren ahay nə tə winen awan, aday tə mazlaḅ anahan a re.

⁵ Anga nan kutok, mbəsiken anjahay a kwanay lelibay ataya fok. Mbəsiken way kawa aján uho, aga way sə waray ahay, aga ubor pə way ma ga waray aya awan, tə way lelibay aya awan, aga ide pə way ahay. Bina ka sak i gen ide pə way ahay nà, ki ḏəfen anan apan kawa tinen mbərom ahay. Mbəsiken anan way ataya fok.

⁶ Anga mer su way a lelibay ataya fok, Mbərom i ga mível pu ḏo sə ḏəfan apan bay ataya awan.

⁷ A alay ata nà, anjahay a kwanay a ðukwen matana awan, ki gen ahay jàba si mer su way a lelibay ataya re.

⁸ Aya həna kutok nà, mbəsiken way ataya fok: Kí gen mivel bay, awan â cəbak ikwen bay, kí gen anan way lelibay aya anà ðo ahay bay, kâ si gen mənjelgek bay, kâ sa nəsən anan 'am anà ðowan bay,

⁹ kâ sa gəden anan mungwalay i zek ahay bay, anga anjahay a kwanay lelibay a sə kwakwa ata nà, kə mbəsiken anan ti mer su way anahan aya təkə fok.

¹⁰ Həna Yesu Almasihu kə mbəðahak ikwen anan anjahay a kwanay wiya awan. Kawa kə pəken zana wiya a pi zek, kə tərən ðo wiya aya coy. Dowan a kwanay wiya ata winen apan i zəga sə ndakay zek nə pac pac, anga aday kí gen minje tə Mbərom, ðo sə ndakay kwanay ata awan. Natiya ki mben apan sa san anan Mbərom lele cərah kutok.

¹¹ Anga nan kutok, həna nà, awan sə gəzla anan Yahuda ahay pi zek wa tu ðo azar aya nà, ibay. Do ma gad mədəndalas aya awan, tu ðo ma gad a bay aya fok, tinen nə kərtek. Do mə vəzle a bay aya awan, tu ðo mə vəzle a bay a tə mindel ataya fok, tinen kərtek a re. Aday ðo bile aya awan, tu ðo bile aya bay ata awan, tinen kərtek a ca. Do ataya fok, awan kə gəzlak atan alay pi zek wa bay. Anga zek ana Yesu Almasihu a nà, winen pa nga sə ðo ahay fok, aday à mivel su ðo anahan ahay inde fok re.

¹² Matanan, kwanay nà, kə tərən ðo a Mbərom ahay coy, a pəlay kwanay anga winen a sə walay kwanay. Anga nan, sumor a nà, azla a kwanay à cəved a Mbərom inde â ga nə lele. Gen anan

sumor ï zek ahay fok, tæren dō lele aya awan, dō mæ nahay nga aya awan, dō sækæffe aya awan, aday dō sæ munapanaw ahay re.

¹³ Sæmen anan ï zek ahay. Kwa abay awan inde kè slahak anan ù uko inde anà dōwan aya dæp nà, tæ pæse zek ahay, anga Bahay a mænuko nà, winen apan a taa pæsek uko anan ines a nuko ahay.

¹⁴ Way lele bina maw nà, sænen zek à wulen a kwanay ahay inde. Ata ki gen matanan nà, asan zek i japay kwanay pæ kærtek awan, aday mível a kwanay ahay dükwen, ti ga næ kærtek a re.

¹⁵ Mbæsiken anan mível a kwanay anà zay a Yesu Almasihu sæ varak ikwen ata anga aday â lavan nga anà mível à kwanay. Mbærom a ngamak ikwen ahay à zay anahan ata inde anga aday kâ tæren uda zek kærtek awan. Natiya ngæren anan kwa siwa siwa fok.

¹⁶ 'Am ana Yesu Almasihu â rah anan mível a kwanay ahay. Diken anan anan 'am a Mbærom ï zek ahay, men anan zek ï zek ahay tæ atætak way ahay tæ kælire mbala ana Mbærom a sæ varak ikwen ata awan. Gen ara sæ zambad anan Mbærom, tæ ara sæ hæran nga, aday tæ ara mbala ana Apasay a Mbærom sæ dækak ikwen anan ata awan. Ngæren anan à Mbærom tæ ataslay mível awan.

¹⁷ Way a kwanay saa ga ta sa ja fok nà, gen nà, tæde kawa dō a Bahay Yesu ahay, ta sæ ngæran apan anà Mbærom Bæbay a kwanay anga Yesu.

Anjahay su dō a Yesu ahay

¹⁸ Kwanay uwar ahay, dæfen anan apan anà mbaz a kwanay ahay næ lele. Wita nà, way aday tæde dō a Yesu ahay ti ga ata awan.

¹⁹ Kwanay mungol ahay, pølen anan uwar a kwanay ahay lele, kâ si gen atan alay bay.

²⁰ Kwanay gwaslay ahay, bønen anan à 'am wa anà atə bəbay a kwanay tə may a kwanay ahay pə way ahay fok lele. Ata ki gen matanan nà, i zlan à nga anà Bahay a mənuko.

²¹ Kwanay bəbay sə gwaslay ahay kutok, kâ si ngərzen pə gwaslay a kwanay ahay bəra bəra bay, bina ti njahay nə slebərberre.

²² Kwanay bile ahay ite, dəfen anan apan anà bahay su doh a kwanay ahay lele. Kâ sa dəfen atan apan nà, pə ide a wa aday à zlan atan à nga ata cəna coy bay. Əna dəfen atan apan nə lele tə mivəl kərtek awan, anga kwanay nà, dō sə jəjaran à Mbərom ahay.

²³ Kwanay apan ki gen nà, mer wura wura fok cəna, gen nə tə mivəl kərtek awan, kawa ki gen anan mer su way anà Bahay a mənuko, bina anà dō zəzen a bay.

²⁴ Sənen apan lele, saa varak ikwen magwagway pi mer su way a kwanay ahay nà, zek a Bahay a mənuko awan, i varak uko anan way anahan sə zlapan anan anà dō anahan ataya awan. Bahay a kwanay sa gan mer su way ata nà, winen Almasihu.

²⁵ Sənen apan lele asa re, dōwan a kà gak ines nà, Mbərom i gan sariya pə ines anahan ata awan. Bina Mbərom a gəzla dō ahay pi zek wa itəbay asanaw!

4

¹ Kwanay bahay su doh ahay ite, gen anan nga anà bile a kwanay ahay nə lele aday tə cəved awan.

Bina kwanay dukwen, kə sənen zle, bahay inde à mburom pa nga a kwanay re asanaw?

Gen anan amboh à Mbərom aday təren do ma san way aya awan

² Rəzlen anan à nga wa sa gan amboh anà Mbərom ta sə ngəran kwa siwa siwa fok.

³ Gen anan amboh à Mbərom anga manay re. Gen anan amboh anga aday mâ njad cəved sə dakay anan ləbara sa 'am ana Almasihu mi der ata anà do ahay. Həna manay à dangay nà, anga ləbara sa 'am anahan ata awan.

⁴ Gen anan amboh à Mbərom nà, anga aday ũ mo zek sə dakay anan 'am anahan anà do ahay cərah lele, kawa abay tədə ni dakay anan ata awan.

⁵ Gen anan nga anà anjahay a kwanay à mamasl su do sa san Mbərom bay ahay inde ata nà, lele. Kwa siwa cəna, kà sa təmen anan alay a bay, gen nə way lele aya awan.

⁶ A akad bala a kwanay ahay inde nà, 'am a kwanay ataya fok â ga nə 'am lele aya ma daf nga awan. Matanan ki sənen sə mbədahan apan anà do sə cəce 'am ahay fok.

Aja 'am mədakwidok aya awan

⁷ Mərak a nuko Tikikus i dakak ikwen anan ləbara sə njahay uno à man a anan ata awan. Tikikus nà, winen mərak a mənuko, car uno re, winen do sa ga mer su way a Bahay a mənuko ndekərkərre lele. Manay apan mi gan mer su way anà Mbərom miya awan.

⁸ Nen apan ni slənak anan ayak nà, anga aday â təkərek ikwen anan ləbara a manay, aday i varak ikwen məgala sə pərahan azar a Mbərom.

⁹ Tikikus i zlak ayak tə mərak a mənuko Onesimus dō sə əga kwanay awan. Winen nə car a mənuko, aday a ga mer su way a Mbərom nə, ndekərkərre re. Tinen ti dəkak ikwen anan way sə təra à man a manay a anan ataya fok.

¹⁰ Matanan Aristarkus, dōwan a manay à dangay həna miya ata kà jak ikwen ayak 'am. Aday Markus, wan a mərbay ana Barnabas kà jak ikwen ayak 'am. Kə sənən apan zle, na jak ikwen lele, Markus kà sak a dəzlek ayak nə, təmihen anan lele.

¹¹ Yesu sə dōwan inde tə ngaman Yustus re ata, kà jak ikwen ayak 'am. A wulen ana dō su mo zek sa ga mer su way anga bahay a Mbərom ataya nə, Yahuda maza aya ibay, si tinen a maakankən'a ataya, coy. Tinen nə, ta mak uno zek sə vuro məgala i mer su way inde wanahan.

¹² Epafəras kà jak ikwen ayak 'am. Winen nə, dō sə əga kwanay aya re, winen dō sa ga mer su way a Yesu Almasihu cite. Winen apan i rəzlen à nga wa sa gan amboh anə Mbərom pac pac anga kwanay. A gan amboh a Mbərom nə, anga aday kə tərən dō məjəra aya awan, kə tərən dō ma san nga aya awan aday kə sənən sa ga way ana Mbərom sa gan may fok kutok.

¹³ Na san pi mer su way anahan sa ga tə mətəndəron ataya zle anga kwanay, anga dō sə Lawdikiya ahay, aday anga dō sə Hirapolis ahay re. Winen nə, ni ra ambar anahan a tətə.

¹⁴ Lukas car a mənuko doktor ata kà jak ikwen ayak 'am aday Demas dükwen kà jak ikwen ayak 'am re.

¹⁵ Matanan jen anan 'am anə mərak à mənuko

ahay à Lawdikiya ataya awan. Jen anan 'am anà Nimfa tu do a Yesu ahay sa taa halay nga àga winen ataya awan.

¹⁶ Derewel a anan nà, jingen anan àga kwanay, aday kâ slenen atan anan ayak anà do sà egliz sà Lawdikiya ahay tē jinge anan re. Aday derewel uno sà vinden anà Lawdikiya ahay ata kè dazlek ayak àga kwanay nà, jingen anan ite re.

¹⁷ Jen anan anà Arkipus nà, â demed pi mer su way a Bahay a mənuko sà mbəsakan ata sa ga anan nà lele.

¹⁸ Nen Pol, na jak ikwen ayak 'am. Nə vindek ayak 'am a anan nà, tə alay uno awan. Sənen apan lele re, nen nà, à dangay hwiya.

Natiya Mbərom â gak ikwen sumor anahan.

Mbuko: Aḡan 'am wiya awan
The New Testament in the Mbuko language of
Cameroon (CM:mqb:Mbuko)

copyright © 2010 Wycliffe Bible Translators, Inc.

Language: Mbuko

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mbuko

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

85377c5a-ee2b-5540-a6b5-8f8a5a729092